



A. Latiff (tiga, kiri) menyampaikan hadiah kepada salah seorang pemenang.

## UMT bolot 30 pingat emas

**GONG BADAK** - Universiti Malaysia Terengganu (UMT) membolot 30 pingat emas pada Minggu Penyelidikan dan Inovasi (MPI) 2018 di sini, semalam.

Program yang bertemakan Memacu Revolusi Industri 4.0 Menerusi Penyelidikan dan Inovasi itu anjuran bersama UMT, Universiti Sultan Zainal Abidin (UniSZA) dan Kolej Universiti TATI (TATIUC).

Lebih membanggakan lagi apabila produk ciptaan kumpulan penyelidik UMT, diketuai Dr Wan Nural Jawahir Wan Yus iaitu AutoCountME:

Auto-Counting Mosquito Eggs" turut dipilih sebagai pemenang Anugerah Khas MPI kali ini.

Pengarah Pusat Pengurusan Penyelidikan dan Inovasi UMT, Profesor Dr Tengku Sifzizul Tengku Muhammad berkata, secara keseluruhan sebanyak 134 produk hasil penyelidikan universiti itu mengambil bahagian pada pameran berkenaan.

"Daripada jumlah itu, kita berjaya merangkul 30 pingat emas, 32 perak dan 44 gangsa.

"Pencapaian yang diperoleh melalui produk yang dihasilkan penyelidik kita ini

sangat membanggakan.

"Jadi, kita berharap agar pencapaian cemerlang ini akan diteruskan lagi pada masa akan datang, di samping kejayaan hari ini dapat memberi inspirasi kepada penyelidik-penyalidik muda yang lain," katanya.

Sementara itu, majlis penyampaian pingat itu disempurnakan Penggerusi Jawatankuasa Pendidikan, Sains, Teknologi dan Transformasi Kerajaan negeri, A. Latiff Awang.

Hadir sama, Naib Canselor UMT, Prof Datuk Dr Nor Aieni Mokhtar.